



## Механизатормудин диилвр

### ЛЕНИНСКИЙ ПРИЗЫВ

Яшалтинск района Яшалтинск МТС трактор болн комбайн яслгъна кӧдлмшән сән диилвр тӧгъяр кӱцӧв. Эдн джилӧ ясврин зурагъан болзгаснь ӧмн дуусв. Ут-турштан 31 трактор, 17 комбайн ясгдв. Ясгдх зӧвтӧ 37 сеялкӧс—30, 46 плугас—40, 54 культиваторас—46 ясгдв. Бас хӧ киргъдг 8 агрегат ясгдв. Селӧнӧ эдлахун машидин ясвр шидрӧс дуусгдхмн.

Шин прогрессивн методиг олзлсн тӧлӧдӧн, ясврин кӧдлмшт кӧдлджӧсн улс ним сән диилвр бӧрв. Мотор ясджасн ӱр Шевченко Н. И. гардджах бригад, сеялкс ясджасн, коммунист-комбайнер ӱр Гома Е. Д. гардджасн бригад социалистическ дӧрлӧнд тӧрӱн

орм эзлв. Ӱрмуд Дегтярев А., Резван Н., Красов Г. боли нань чигн улс ик диилвр бӧрцхӧв. Сӧн производственникӱд ганънач Котов Г., дархн Иваненко, токарьмӱд Линник болн Климов ахта улсар МТС-н коллектив ӱнн седклӧр бахтна, эдн таслвр угагъар сменн даалгъврӧн давулдж кӱцӧцхӧнӧ.

МТМ-н гардач Ушаков И. Ф., селӧнӧ эдлахун машинӧ механик-коммунист Мамай Я. П. болн багъ наста механик-контролер Горенко Б. ясвр кеджӧсн кӧдлмшчнрт техническ ик дӧнъгӧн кӱргцхӧв.

Механизатормуд болн специалистнр цуг чидлӧн колхозин мал ӱвлзӱлгънд болн хаврин тӧрӧнӧ белдврт дӧнънӧкд болхар цуг кӧдлмшӧн делгрӱлджӧнӧ.